

牛有鳥來止詵曰紅鶴素衣赤裏梁鳴沙躋如丹鳳之
翱翔如朱鷺之綽約如朱雀之印梁州如雙鸞之巢阿
閭爰題斯名光茲丹雘祠以三仙維呂與郭唐有丘子
玉經拜爵純陽之劍景純之鵲當年化鶴而飛此際跨
鶴而樂如坐金山之濤如游洞庭之漠時爲搏海之鵬
時爲橫秋之鶚斯樓方與七鳳紅樓並傳豈徒岳陽之
與黃鶴鳴乎美哉登斯樓也鳳原在望峨嵋入懷稷亭
如座湯寨而厓林樹翳橫城闌通階天光雲影魚躍禽
喈吸洞林之玉露挹董澤之荷香聽晉城之鳥語來相
瀑之琳瑯岫出孤泉之雲風披石洞之颶三巉浮塩坂
之澤紫金來翠秀之崗對香山而仰止如登綠野之高
堂有時天日晴暉朝暾升靄晚照流霞春光翻矣有時
雨雪霏濛雲峯爰兀林影迷離烟景飢矣有時臨風納
涼鸛唱雙柑蟬鳴遶抄卧羲皇矣有時飜月吟清半天
霓羽幾部鼓吹下逢瀛矣於戲快哉復爲之歌曰惟鸞
鷺之集鷗兮條鳴而香翮惟魚龍之變躍兮鼓鬣而翻
水景卿喬於日下兮雲五采而斐榮騰劍光於梁間兮
應豐津之雙星聲九臯而天聞兮桂華表於闕城維鵠